

Cauteræa mædæmbe mala Buləs
aban ká a ban
AMƏ TASALONIKA
Məncəu

Tasalonika ka, nda nggea-là mægule mala bu-nzali Masədoniya aba nzali Roma. Buləs mən ikəlisiya abanì a nzəm mənana nyìngɣənà Filipi ka. Kat andə amani ka, banì sau ɗang, bìnəcau lo nəban Amə Yahudi mənana à pak mbali arə Buləs ace lidəmba male aba hamnə cau mala Kərəsti abalə abwana mənana amə Yahudi na raka. Pələa à tsək Buləs púp bə nying Tasalonika aban ká Biriya. Nə nzəmə, anzəm mənana yi bwaləna Korinti ka, biməturo andə mægya Timoti giləa pe wi cau amur pa mala agir a ikəlisiya mənana a Tasalonika ka.

Cauteræa mædæmbe mala Buləs aban ká aban Amə Tasalonika ka à giləi ace bəkbabum aməkwaɗi mənana abanì ka, andə bwal denyicau malea bəa cam kàngkàng. Yi ka, pak yàwá nə cau məboarne mənana oe amur pabamuru andə earcearəu malea ka. Kasəbaləia arə ulang do mənana dum nəi abaləia, mana à ndatārəia ka, sə nyesəia wia acau amur adikiban mənana lo aba ikəlisiya amur cau mala nyare yiu mala Kərəsti.

Agir mənana a bāləi ka

Tita cau1:1

Pak yàwá andə bɰwangsəban1:2--3:13

Bəkbabum ace bealu mala do kwaɗi4:1-12

Kwarkiru amur cau mala yiu mala Kərəsti4:13-5:11

Məsələata acau bəkbabum5:12-22

Məsələata cau5:23-28

Makkun mala Buləs

¹ Mənia yì cauterəa ka pur nəban Buləs, andə Silas, andə Timoti.

Aban ká a ban ikəlisiya mala amə Tasa-lonika, abwana mala Bakuli Tárrú, andəa mala Mətalabangno Yesu Kərəsti.*

Bə bəwamuru andə dorəpwala mala Bakuli do atə wun.

*Pabamuru mala aməkpata**Yesu a Tasalonika ka*

² A koya pwari ka, səm nggə pakki Bakuli yàwá ace wun, sə səm nggə pak hiwi tütü ace wun kat.

³ Aba hiwi mə'səm amur wun a ban Bakuli mə'səm yì Tárrú ka, səm nggə denyi nə pé mə'wun aba pabamuru, andə earcearəu mə'wun mənana tsəa wu pak túró kərkər, andə came mala tsəkbələu mə'wun arə Mətala səm Yesu Kərəsti.

⁴ Wun amə'eam səm, səm sələnə ama Bakuli earəna ce wun, nda sə tər wun ace mənana bə wu duk abwana male ka.

⁵ Cau Amsəban mənana səm yiu nəi a ban wun ngga, pə aba ne anggo nəmurəi dāng, nda gbal aba rəcandəa mala Bangno Məfele, andə pa'eare məkərkər nì mənana ləmdə ama cau mana səm na ka məsəcau na ka. Wu sələnə rə ulang do mənana səm do abalə wun àkə ce boaro mə'wun ngga.

⁶ Wu yi duk amə twalkusə səm andə mala Mətalabangno; kat andə tanni mə'wun kərkər ka, wu ak cau mala Bakuli nə banboarnado mala Bangno Məfele.†

* **1:1 1:1** Balli gbal aba: Atúró 17:1. † **1:6 1:6** Balli gbal aba: Atúró 17:5-9.

⁷ Ace mənə ka, wu duməna aməkpata Yesu mənana aməkwadi aba nzali Masədoniya andə Akaya kat, à nè səni arə wun sə à nè twal kusə wun ngga.

⁸ Sə ado, cau mala Mətalabangno ka, nda rə puro nə ban wun aban ká a ban abwana aba nzali Masədoniya andə Akaya kat. Səa ma mənə nda nəmurəi dāng, cau mala pabamuru ma'wun gbal a ban Bakuli ka, mesəna a ban abwana a koya ban. Yələ səm pənə cau mənana dəm səm nə nea wia amur pabamuru ma'wun ngga dāng.

⁹ Abwana nə bəmuria nda à cama rə nacau mala agir məboarne mənana wu pak kat ace ak səm, mana səm waria sən wun ngga. À bang ce vwakibu ma'wun arə ankúl ace kpata Bakuli mə'məsəcau nì andə məyiləmuì.

¹⁰ Dəm ngga à bang cau mala do kundəmuru ma'wun arə yiu mala Muna mala Bakuli nə kuli, yì muna male mana loasəi a bəmbe ka. Nda Yesu mana nda mə'amsə səm a bu tanni mala bumlulla məbike mala Bakuli mənana kə yiu ka.

2

Túró mənana Buləs pa a Tasalonika ka

¹ Wun amə'eam səm, wu sələnə ama wario ma'səm a ban wun ngga, yì duk bà dāng.

² A dəmbe ka səm nu tanni sə à pakka səm gír kəsəkya a Filipi,* kəla mənana wu sələ ka. Səa ma Bakuli ma'səm pakka səm gbasha səm dumnə məsəkang-kangno aba hamba wun Cau Amsəban

* 2:2 2:2 Balli gbal aba: Atúró 17:17-24; 17:1-9.

male, kat andə amani ama abwana ləmdəa səm bīnəcau məkərkər nī ka.

³ Cau kwarkiru mənana səm yinəi a ban wun ngga, pur aba bwarkio dāng, ko nə be abaləi dāng, sə səm pə aban swarki wun gbal dāng.

⁴ Səm ngga, səm nggə nacau kəla abwana mənana Bakuli earnə səm sə nyingga səm túró hamnə Cau Amsəban a bu səm ngga. Sə səm pə aban pə ace mənana bəa bwapəndəa bwangsə səm ngga dāng; səm nggə pə ace pwəsə babum Bakuli mənana kə peləki babum səm ngga.

⁵ Sə wu sələnə gbal ama, səm yiu a ban wun nə kúnboarna, ko səm səmbərə bekə bealu mala kunligir nə acau ma'səm dāng. Bakuli ka nda mə'nakún səm amur mani!

⁶ Səm pə aban alta bwangsəban a ban bwapəndəa, ko a ban wun, ko a bu kəbwa dāng.

⁷ Səm kəla amətúró mishan mala Kərəsti ka, bə səm pāngnənə túró nə rəcandəa mənana səm ndanəi ka ace alta gīr a ban wun. Səa ma səm ngga, səm duk bukduk abalə wun, kəla mənana nggea ka amuna kə pa ace denyi nə amuna male ka.

⁸ Ace earcearəu məkərkər nī mənana səm ndanəi arə wun ngga, rə səm kə bəla arə na wun bəsa Cau Məboarne mala Bakuli nəmurəi dāng, səm ndanə earce gbal səm nə pa yiləmi səm ace wun. Acemənana ce wun kə kwan səm kərkər!

⁹ Wun amə'eamrəarəu, balə wun kasəa arə nggea túró məcandəe mənana səm pə kərkər abalə wun ngga re? Du andə pwari, səm pak túró ace mənana bə səm ngga duk twalo amur kəbwa atə wun, yi mənana səm ndarə hamnə Cau Amsəban

mala Bakuli a ban wun ngga dāng.

¹⁰ Sə wun ngga, wu nda ka amə nakún səm, kəla mənana Bakuli kə nakún səm ama, do ma'səm abalə wun, wun abwana mənana wu pana bamur wun ngga, nda aba pa rəŭ a ban Bakuli, andə pak pepè, andə mala dʷanyicau-arəŭ.

¹¹ Wun nə nggearə wun ngga wu sələna ama səm bwal koyan atə wun ngga kəla mənana tár amuna kə bwal amuna male ka.

¹² Səm buakia rə wun, səm bakbabum wun, sə səm kwarkir wun ama, wu duk ulang do mənana ban nə boari Bakuli arəi, yi mana nda bwa mənana tunə wun bə wu yi do abata domurəm andə gulo male ka.

¹³ Sə dəm ngga səm nggə pakki Bakuli yàwá tütù. Acemənana, lang səm yinənə wun nə cau mala Bakuli ka, wu twali kəla cau mala bwapəndəa na dāng. Wu oe, sə wu é cau mala Bakuli na, mə'məsəcau nì mənana ndaban pak túró a babum wun, wun abwana mənana kat wu pa bamur wun a baní ka.

¹⁴ Wun amə'eam səm, gír mənana pur arə aməkwađi mənana arə a'ikəlisiya mala Bakuli mənana a nzali Yahudi, aba Kərəsti Yesu ka, purna arə wun. Acemənana kə tanni mə'mwashati mənana à nu a bu amə Yahudi ace pà bamuru malea aban Kərəsti Yesu ka, àkə nda wu kùmô a bu abwana mala nzali ma'wun ngga.†

¹⁵ Yia amə Yahudi ka, à nda à wal-lú Mətalabangŋo Yesu andə amə'bangnəa mala Bakuli ka. Yia na à pa səm tanni gbal mənana

† 2:14 2:14 Balli gbal aba: Atúró 17:5.

pər səm ngga. Aḃa pàkkiagir malea ka à kə kidiki ḃabum ʼBakuli. ʼDəm ngga à nda nggaro nə aḃwapəndəa kat‡

¹⁶ acemənana à kə ḃariki ama à nè mgbàllì kun səm, ḃè səm ngga hamnə cau mala yiləmu a ban aḃwana arə aḃea nzali dāng. Yì cau mənana nda nè yinəi aḃwana amsəban ngga. Sə anggo ka, kara à camarə gwaliki caubikea amur acaubikea malea aban káne a lùmsəo. Sə humlulla mala ʼBakuli a masələate ka suləna amúrià!

*Buləs kə earce dəm nə
ngga sən aməkpata Yesu
a Tasalonika*

¹⁷ Sə səm ngga, wun amə'eam səm, lang à gauwuna səm zuku sənəa wun ngga (gauwa mənana nda aḃa nggūrəu sə pà aḃa bangŋo raka) səm ḃariki kərəkər, nə nzal wun a ḃabum səm ama səm nè yia sən ḃaməsəarə səm dəm.

¹⁸ Səm earənace nyare, səm nə yiu a ban wun. Mim Buləs nə ḃamúràm ngga, ən ḃariki kusə pas mə nə nyare mə nə yiu a ban wun, sə Shetan mgbàllì kun səm.

¹⁹ Bè mənə na raka, mana de nda tsəkḃaləu ma'səm, andə banḃoarnado ma'səm, ko mana nda mbulan mənana səm nè jali nəi a ḃadəm Mətala səm Yesu a pwari yiu male? Kə wun nda re?

²⁰ Wun nda ka gir jali andə banḃoarnado ma'səm!

‡ 2:15 2:15 Balli gbal aḃa: Atúró 9:23,29; 13:45,50; 14:2,5,19; 17:5,13; 18:12.

3

¹ Nda, lang səm yì səni pà səm nə gandə twal gandərou dəm raka, səm yì denyi ama nə boaro bəa nying səm nəmurə səm bə səm do aba Atina,*

² sə səm tasə Timoti bə kyane bə kya sən wun. Yi ka, mə'eam səm na andə bi'səm mətúró mala Bakuli aba hamnə Cau Amsəban mala Kərəsti. Səm túrí a ban wun ace mənana bə yi bakbabum wun, bə dupa wun gbasha aba pabamuru ma'wun a ban Kərəsti.

³ Səm pa anggo, ace mənana bə bebwa abalə wun, bə kəa dəurəo atəcau mala amənia yì atanni ka dāng. Sə wu sələna ama mənə ka kàni mala Bakuli na ace səm.

⁴ Nda gír mənana tsəa, mana səm nda a ban wun ngga, səm akdəmba səm camarə bangga wun ama səm nə nggá kum pətanni a bu abwana. Sə ndo gbal, wu sənəni, kəla mənana wu sələ ka.

⁵ Ace mani ka, lang ən səni, pa mə nə gandə twal gandəa dəm raka, nda sə ən tasə Timoti, bə yiu bə yi sən tà wun aba do pabamuru ma'wun a ban Yesu. Bangciu pakkam ama, ce wu earəni məkārəkiban, yì Shetan swarkina wun, wu dekina kpata Yesu, sə túró mala Bakuli mənana səm pe abalə wun ngga, uena bà!

*Timoti yiu nə cau mala do
lidəmba mala aməkpata Yesu
a Tasalonika*

⁶ Sə a dyan ngga, Timoti nyarəna yina a ban səm. Yi banghəna səm cau məboarne mala pabamuru ma'wun a ban Bakuli andə earcearəu

* 3:1 3:1 Balli gbal aba: Atúró 17:15.

ma'wun. Dəm ngga, bangga səm ama wu kə denyi nə do məboarne ma'səm sənəa wun, wu kə pak nzal sən səm, kəla mənana ado, səm nggə pak nzal sən wun ngga.[†]

⁷ Ace mani ka, wun amə'eamrəarəu, kat andə do məkwane andə pətanni mənana səm nda abaləi ka, səm kum bəkbabum nə cau mənana səm ok amur pabamuru ma'wun a ban Kərəsti ka.

⁸ Adyan ngga mənəi yì gir ka, loasəna səm dəm, acemənana səm sələnə ama wun ngga, wu nda aban came kàngkàng aba dotarəu ma'wun wunəa Mətalabangho Yesu.

⁹ Ya ulang yàwá na səm nə pakki Bakuli ace wun! Ata cau ma'wun ngga, səm ndanə banboarnado kərkər a bədəm Bakuli ma'səm!

¹⁰ Du andə pwari, səm nggə pak hiwi nə bəbum səm kat kərkər aban zəmbi Bakuli, bə pə səm dəmbu dəm, bə səm sən wun, ace mənana bə səm kania wun abea agir mənana boaro bə wu súrəia aba pabamuru ma'wun a ban Bakuli ka.

¹¹ Ado ka səm nggə zəmba ama bə Bakuli ma'səm, yì Tár səm nə nggearəi, andə Mətala səm Yesu, mənba səm njar ace yiu aban wun!

¹² Səm nggə pak hiwi ama bə Mətalabangho tsək earcearəu ma'wun arəarə wun andə abwana kat, bə lidəmba nə gulo sə bə kə aliki, kəla mənana earcearəu ma'səm aban wun kə pak ka.

¹³ Anggo ka nə pə wun rəcandəa mala bəbum ace do tər bəmuru ace Bakuli, andə dʋwanyicau-arəu a bədəm Bakuli ma'səm mənana nda Tárrú

[†] 3:6 3:6 Balli gbal aba: Atúró 18:5.

ka, a pwari mənana yì Mətala səm Yesu nè yiu nài, andə aməturenjar male kat‡ ka. Bè do anggo.

4

Do mənana pwasəkiyi babum Bakuli ka

¹ A masələate ka, wun amə'eam səm, wu kuməna kwarkiru nə bu səm amur njar mənana boaro wun nè dukdo sə babum Bakuli nè pwasə arəi ka. Sə ado mənana wu ndarə duk ulang mənə yì do ka, səm nggə zəmba wun nə kwarkiru məcandəe aba lullə Mətalabangŋo Yesu, wu lidəmba nài aba pə anggo andə mənana kúti mənə ka ko aya pwari, aban kánəè a dəmba.

² Wun ngga, wu sùrənà rə akwarkiru mənana səm pà wun nə rəcandəa mala Mətalabangŋo Yesu ka.

³ Mənia ka nda kànì mala Bakuli a ban wun, ama bə wu tər bamur rə wun aba do acei, wu banggi bealu mala kìdìkì mala nongginə rəarəu.

⁴ Koyan abalə wun ngga, bə sùrə lang sə nè bwal bamúri* afa do tár bamuru ace Bakuli andə do mənana nə yiu nə gusələban ngga.

⁵ Pà aba do nə npel mala nshawari mə'kərkər nì, kəla pe mala aməkpata banza, abwana mənana à sùrə Bakuli raka dāng.

⁶ Aba mənia yì cau ka kəbwa bə kəa pakkì bì məkwadì gir məbane ko bə bəmbəri aba kutio arə alta māmì ko burì dāng. Səm nanà wun dīdɣal nə

‡ **3:13 3:13** *aməturenjar male kat:* ko <<abwana mənana kat amale na ka.>> * **4:4 4:4** *bwal bamúri:* ko <<do andə māmì ko burì>>

nunkiru ama, Mətalabangŋo ka kə ɓashia abwana arə ulang aməno yì acaubikea ka.

⁷ Bakuli ka, tunə səm ace do bá pəndəkya dāng, tunə səm ace do tār ɓamuru ace Bakuli.

⁸ Ace mani ka, ɓwa mənana kat ɓinə mənina yì kanigir ka, pà aban ɓinə nzongcau mala ɓwapəndəa dāng, nzongcau mala Bakuli nda ɓinəkiyi ka, yì mənana kə pa wun Bangŋo Məfele male ka.

⁹ Amur cau mala ləmdəia rə wun earcearəu ka panə ɓoaro mə giləa wun kəgìr dāng. Acemənana wun nə ɓamur rə wun ngga, Bakuli kánina wun ɓə wu earcea rə wun.

¹⁰ Aba məsəcau ka, mənə nda kəgìr mənana wu kə ləmdəi amə'eamrəarəu mənana kat aba nzali Masədoniya ka. Səama, wun amə'eamrəarəu, səm nggə kwarkir wun, wu ləmdəi aba pə mənana kúti mənə ka aban kánəi a damba.

¹¹ Wu ɓariki wu soa məsə wun arə dukdo ɓwalrəu aba ɓukɓuka, wu kə tsək denyicau arə atúró ma'wun, wu kəa kutiki abalə acau mala abwana dāng; sə wu kə pak túró nə abu wun, kəla mənana səm bangga wun dídya ka.

¹² Bə wu kə pa anggo ka, nggearə abwana mənana aməkwaɗi na raka, à nə sən wun pepè nə pagulo. Sə pà wu nə kúndəô arə kəɓwa ace kum gìr mənana wu pak təle ka dāng.

Yiu mala Mətalabangŋo Yesu

¹³ Wun amə'eamrəarəu, səm nggə earce ama wu kəa dumnə ɗwanyi sələe amur aməkwaɗi mənana à wuna ka, ko wun nə dumnə bumkidikea, kəla abwana mənana à pənə tsəkɓaləu raka dāng.

¹⁴ Səm ngga, səm earəna nəi ama Yesu wú, sə loapi bembə nə yiləmu. Dəm ngga səm earəna nəi ama abwana mənana à wu aba pabamuru malea a ban Yesu Kərəsti ka, Bakuli nə loasəia nə yiləmu, nə yinəia a baní atārəia andə Yesu.

¹⁵ Mənia ka səm nggə bangga wun kəla mənana Mətalabangno bangga səm ama: səm mənana à nying səm nə yiləmu, bə pwari yiu mala Mətalabangno ka, pə səm nə aki abwana mənana à wuna ka, dəmba o a baní dāng.

¹⁶ Acemənana Mətalabangno nə nggearəi ka, nə sulə nə kuli, nə giu sə'arəban məcandəe mala gbani mala aməturonjar, andə bua mala njawe tunəban mala Bakuli. Sə abwana mənana à wú aba Kərəsti ka, à nda à nə tita loapi bembə nə yiləmu ka.

¹⁷ Sə səm, mənana səm ndanə yiləmu sə səm ndakam piú a pwari mənə ka, à nə fə səm a tarə səm sənəia aban o a kuli, abalə apərbang, ace mənana bə səm kya je sənəa Mətalabangno a bumkuli ka. Anggo ka, səm nə do a tarə səm sənəa Mətalabangno, do mənana málá male pə kəm raka.†

¹⁸ Ace mani ka, wu kə bak babuma rə wun nə amənia yia acau ka.

5

*Wu dumnə giləkirəu ace
nyare yiu mala
Mətalabangno Yesu*

† **4:17 4:17** Balli gbal aba: Mat 24:30-31; 1Kor 15:51,52.

¹ Ado ka, wun amə'eamrəarəu, amur cau mala apwari andə akúnni mənana aməno yì agir nè yia lùmsə nài ka, boaro mə giləa wun kəgìr dāng.

² Acemənana wun nə bəmur rə wun ngga, wu sələnə ama pwari mənana Mətalabangŋo tsəi nè yiu nài ka, nè yiu kələ yiu mala mən'í nə du.*

³ Lang bə bwapəndəa nda aban na ama, <<Ban pwaləna dəong, kəgìr samban pà kəm raka,>> anggo sə kara tanni məkidikibanì nè yia suləo amúrià kat! Nè yipià wia nə yasələban, kələ mənana kwanban mala gbáshí kə yipì bwama mənana nə muna-bum ngga, sə à pà nə au dāng ko bəti.

⁴ Sə wun amə'eambəam ngga, wu pa dəm aba pəndəa dāng, mənana mənə yì pwari ka nè yia yasələ wun kələ yiu mala mən'í ka dāng.

⁵ Acemənana wun kat, wun amə'eamrəarəu, wu nda ka abwana mala tálaban, andə amala pwari. Səm ngga, səm nda ka mala du ko mala pəndəa dāng.

⁶ Ace mani ka, wu tsəkir wun, wu kəa nong'ntullo kələ acili abwana dāng. Bə səm dum nə məsə səm andə do aba kwaro mala dəmbəu.

⁷ Nə du sə bwapəndəa kə nong'ntullo, sə nə du sə bwapəndəa kə wal-walo-agir.

⁸ Sə səm mənana səm nda ka abwana mala pwari ka, bə səm do aba kwaro mala dəmbəu. Bə səm oasə pabamuru andə earcearəu kələ oasə daura bolo, sə tsəkbaləu arə kum əmsəban ngga, kələ sukuru-bolo.†

* 5:2 5:2 Balli gbal aba: Mat 24:43; Luk 12:39; 2Bit 3:10. † 5:8 5:8 Balli gbal aba: Isha 59:17; Afi 6:13-17.

⁹ Bakuli ka tunə səm ace mənana bə so bumlulla male amur səm ngga dāng, yì ka, tunə səm, ace mənana bə səm kum amsəban nə bu Mətala səm Yesu Kərəsti ka.

¹⁰ Kərəsti wú ace səm ace mənana ko bə səm nda andəa məsə səm, ko aba lú ka, səm nə yiu aba yiləmu, səm nə do a tarə səm sənəi.

¹¹ Ace mani ka, wu kə pea rə wun rəcandəa, wu kə bak rəarə wun, kəla mənana ado wu kə pak ka.

Masələata kwarkiru mala Buləs

¹² Wun amə'eamrəarəu, səm nggə zəmba wun, wu kə pea abwana mənana à kə pak túró abalə wun ngga gulo, yia mənana à nda ka abwana-məgule amur wun andə amə'kwarkir wun aba dotarəu ma'wun wunəa Mətalabangho ka.

¹³ Wu dəmbərəceə kərkər aba earcearəu ace túró mənana à pakkiyi ka. Wu dumnə rəpwala a rəarə wun.

¹⁴ Wun amə'eambəam, səm nggə kwarkir wun, wu nun kir abwana mənana à ndanə nkundər ka. Wu bak babum amə'bangciu, wu bwalia abwana mənana à pənə rəcandəa raka. Wu dum nə munyi arə abwana kat.

¹⁵ Wu kəa eari kəbwa abalə wun bə mḥwe kəbwa nə pe məbike a kun məbike dāng‡. Bə do ama a koya pwari ka, wu kə bariki wu kə pakkia rə wun pəməboarne andə abwana kat.

¹⁶ Wu dumnə banboarnado a koya pwari,

¹⁷ wu came arə hiwi,

¹⁸ wu dumnə babum yàwá aba ko man ngga; mənəia ka nda nə mala Bakuli a ban wun mənana wu nda ka mala Kərəsti Yesu ka.

¹⁹ Wu kəa eare wu par Bangho Məfele dāng.

‡ 5:15 5:15 Balli gbal aba: Rom 12:21.

²⁰ Wu kəa nyesə ce bang gi Bakuli nə kun abwana male bə dāng.

²¹ Wu kārəki agir kat, wu peləkia pepe; wu bwal mənana məboarne na ka.

²² Wu kəa sungjo a ban gir mənana kat pur məbike ka dāng.

²³ Adyan ngga, Bakuli mana pākiyi dorəpwala ka, nə nggearəi bə tər wun, bə wu duk amale arə anjar puppup. Bə yál bangjo ma'wun, andə yiləmi wun, andə nggūrə wun kat bəà do aba dʋanyicau-arəŋ a pwari mənana Mətala səm Yesu Kərəsti nə nyar nəi ka.

²⁴ Yì Bakuli mənana tunə wun ngga, mə'pě nə məsəcau na;§ nə pakka wunì.

²⁵ Wun amə'eamrəarəu, wu pakka səm hiwi gbal.

²⁶ Wu makkia amə'eamrəarəu kun kat, nə makkun earcearəu ulang mala aməkpata Bakuli.

²⁷ Ən nggə tsəka wunì, aba lullə Mətalabangjo, wu bal mənəi yì cauterəa ka a ban amə'eamrəarəu kat.

²⁸ Bwamuru mala Mətala səm Yesu Kərəsti, bə do atə wun.

§ 5:24 5:24 mə'pě nə məsəcau na ko kə makban dāng.

Mbula-Bwazza
Portions of the Holy Bible in the Mbula-Bwazza
language of Nigeria

copyright © 2022 The Seed Company

Language: Mbula (Mbula-Bwazza)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-12

PDF generated using Haiola and XeLaTeX on 10 Sep 2025 from source files dated 12 Jul 2025

dc693218-7e0b-5547-ab57-2e0275b90e93